

GWERZ SANT EDERN.

Tennet divar eur Werz all irroc'h.

- 1 Selaouit oll, compagnenez,
Selaouit cana eur vuez,
Buez an Aotrou Sant Edern
Ar Patrom euz ~~Blouedern~~ *Parvez Edern*
- 2 En Enezenn anvet Irland
E verker oa ganet or Zant;
D'en gallouduz, d'en a c'hened
Evit ar c'horf ag ar spered.
- 3 Var e vadou, e iaouankiz
E reaz abred fae a dispriz,
Vid clasq rouantelez an nev
A silvidigez de ene.
- 4 Diouz e dud e kimiadaz,
De vro adie e lavaraz,
Ag e var vor da zont e Breiz
Evit prezeg eno ar feiz.
- 5 En eul lec'h var aod kerne
A demdost da Zouarnene
Anvet ar Juk brema c'hoaz
Gat e lestrig e touaraz.
- 6 Da glask eul lec'h cuz a sioul
Vid tec'hed pell diouz ar foul
E loj en eur c'hoad a gemer
Eun diou pe deir leo diouz Kemper.
- 7 Eb douja da neb seurd amzer
E viscamant a voa dister.
E wele ~~an~~ an douar ien
Gat eur mean a zindan e benn.
- 8 Gourizou reun a zougenne
Gat bara groz e tremene,
A gat louzou euz e jardin
Eb eva morse berad gwin.

- 9 Epad un darn vad eus an noz
Ar beden a oa e repoz;
Outa e unan didruez,
Ouz e nesa leun drugarez.
- 10 Gouscoude teodou an dud
A glaskaz rei deza gwal-vrud;
Gouzav a ree gat an dud criz,
Gouzav a ree oll dispriz.
- 11 An Aotrou euz a Gistinit
A fachaz ouz e vioc'hiq;
Ma laoskaz varnezi e chas
A chom al loen var ar plas.
- 12 Edern dont; a var a gounter
Ar vioc'h senti var ar ger,
Sevel ac'hano a mont kuit.
Ez a bark Aotrou Kistinit.
- 13 Direiz e cavet al loen,
A ne esperne douar den;
An oll a glemme er c'harter
Ag a lavare oa laer.
- 14 Mes an dud-ze ne ouient ket
Burzudou Doue pa vez red;
Var a gonter, el lec'h peuret
Eo e save ar gwlla ed.
- 15 Doue a roaz d'on ermit
Ar c'hoantegez da dec'het kuit,
Rag e galon n'oa ket digor
Dar meuleudi na dan enor.
- 16 Dre gerne e redaz calz bro,
Ma cavaz eur plasig distro,
A sevel eno eul lojenn,
Da bedi, d'ober pinigenn.
- 17 Eno e reaz meur a vuzud,
Ma redaz anezan ar brud,
Noa seurd poan na seurd clenved
Na gave dezo ar remed.
- 18 Eur feunten a oa e kichen
Al leac'h ma savaz e lojenn;
Edern a reaz eno sevel
D'ar Verc'hes-Vari eur Chapel.

- 19 Breman eo anvet Lanedern,
Enni e peder Sant Edern ;
Eno e raaz, en e vuez,
Meur a viracl, a goudevez.
- 20 En dejentil o chasseal,
Araog e chas en aneval
A redaz evel da c'houlenn
E loj ar Sant cuz a diffenn.
- 21 Eur c'haro oa, a penn gwolaz,
Dirag Sant Edern e stoufraz,
Vit outan en em erbedi
A goulenn digorr en e di.
- 22 A ma chomaz ar c'haro ^{ze - ze}
Var dro Edern divar neuze.
Peuri a ree var an deiz
A dont bemnoz de lojeiz.
- 23 An Aotrou a oa souezet
Gant ar seurt burzud c'hoarvezet,
Ma rank Edern deza discuez
Galloud Doue, e vadelez.
- 24 Kent an Aotrou c'hoaz ne ouie
Anavout mad an den Doue ;
Neuze en pedaz a galon
Ma c'houlennje deza pardon.
- 25 Var ar gounter, an Duk a Vreiz
A erruaz gatan eun deiz
Tremen eharz an ermitaj
Ouz Edern e comzaz eur paj.
- 26 Edern a oa gant e bedenn
Ne respountaz ket trum dan den
Ag ar Sant en doe ragtal
Eun taol digat an den brutal.
- 27 Edern, var scuere e vestr Jezuz
A oa den dous a gouzavuz,
A ne gemeraz droug ebed
Laouen da veza disprizet.
- 28 Ker buan, var a zo scrivet,
Duk ag e dud coll ar gwlet,
Doue o falvout discuez seuer
O welet skei e zervicher.

- 29 An Duk ag e gompagnuned
Da vro Leon o clask monet,
En em gavaz nec'het maro,
Ne anavezent ket ar vro.
- 30 Sant Edern ober eur bedenn
da c'houlen dezo sclerijenn,
Rag Edern a greiz e galon
A ch'oulenne dezo pardon.
- 31 An Duk a voestaz e savze
Eun Ilis el lec'h ma vize
Dan eur ma welze sclerijenn
Da gaout sonj iviziken !
- 32 Evid gloar e zervicher
Doue a oe o c'hunduer,
Ma errujont e bro Leon
Ag eno o doe o fardon.
- 33 Eno e teuaz ar gwelet
D'an Duk a de gompagnuned,
Er plas ma savaz Plouedern
Ag ar Patrom eo Sant Edern.
- 34 E Gwengolo, an deiz kenta
Eo ema ar Gouei ganta ;
An deiz eo ma z'eaz da repoz
Gant Jezuz en e Varadoz.
- 35 A ni irio, ~~Plouz~~ Edern
Pedomp a unân Sant Edern ;
En em erbedomp a galon
Ouz an ini zo or Patron.

Piè creditur, tutò negatur.

❧ FIN. ❧